

皇明經世文編

皇明經世文編卷之二十四

華亭

徐孚遠聞公

陳子龍臥子

編輯

宋徵璧尚木

彭賓燕又

王之翰子大叅閱

孫司馬奏議

疏

孫原貞

大戒

臣聞洪水儆予、六事自責、雖大舜成湯之世、不能無水旱之災、然聖君之自儆自責如此、誠宜彌天變之

災遂民生之福也。先因雨暘弗順，自去歲冬至今歲春，或積雪連旬，或窮陰彌月。陛下發成湯自責之詔，又謂君臣一體，宜同此心。下諭羣臣，各以致災之由，彌變之道。愚臣謹按洪範久陰恒寒，茲謂咎徵。

陛下敬天恤民之誠，感孚上下，而陰謀不足慮也。羣臣尤當思過自新上體宸衷，祇畏天戒。此臣所以深思熟慮，仰答無由，而朝夕惕若也。願惟陛下道合重華，德符智勇，自卽位以來，不邇聲色，不與土木，不事遊畋，不濫刑罰，不好遠方珍物，使民只正供

取民只常賦其他一無所需可謂清心寡慾仁愛兆
民之至尚因何咎而致茲天變哉是蓋犯邊之虜未
賓冗食之兵未汰屯堡之田未盡耕稼轉漕之粟未
足供給之民未盡復業孳牧之馬未免追賸若此等
事殫天下之財困天下之力公私耗竭軍民咨嗟災
變之應其或在茲然數者之弊皆洪武年間所無積
漸于永樂之後以至今日其弊尤甚但因襲已久未
易遽更或任其事者樂因循憚改作必有非議之者
臣願 陛下日御 經筵與股肱大臣考古帝王之

皇明經世編

卷之一

二

司馬遷

良規、叅祖宗之成法、以爲今日之經制、臨機獨斷、務在必行、則陰陽和、寒暑時、而嘉祥應矣、今將所論事件、開坐謹題請
旨、一論虜寇、北夷之俗、孳牧駝馬牛羊、以給衣食、飲其酪、食其肉、衣其毛革、造弓矢刀鋌、以爲兵器、馳騁射獵、勇于戰鬪、自古爲中國患、及至有元、入爲君主、此天地之大變也、天命我太祖高皇帝、恢復中華、滌去汚俗、還變浮風、其遺類遁歸北漠、罔敢南侵、至永樂辛丑、竊掠興和、太宗文皇帝躬率六師、往問其罪、臣忝從征、時和寧王瓦

刺兀良哈三部落之衆。不相統一。彼此疑畏。各先遠避。保其種類。是以天兵如入無人之境。直至黑松林以北。但俘其老弱。并獲其馬牛羊以歸。今和寧王兀良哈之衆俱爲瓦剌所併。正統己巳。虜寇入塞。我兵失利。遂犯京畿。陛下赫怒。誓師奮擊。虜敗而還。後雖慕義。遣使來朝。人輒千餘。馬至萬數。是蓋覘我虛實。坐弊中國。且養兵休士。畧不驚我邊鄙。此其志在中國。實今日之大患也。况虜勢方張。聲振西戎。威驚女直。今三邊阻絕。間諜無所入。應援無所通。非中國

得志之妖雖衛霍將兵未可窮追遠討以望成功宜
選賢將積穀休兵優養士卒撫之有恩教之有法謹
烽火整器械固守邊疆且聞虜先入寇一人所乘三
馬迭換以革囊盛乾酪爲糧不將輜重故其人馬不
罷銳氣無損來如風雨卒莫能拒去如絕絃速不可
追自然之勢也是以攻城步戰非其所長突騎奔衝
實其所便若復侵邊必須度我兵勢未能出奇設伏
正兵忽與爭鋒恐損軍威宜如李牧之養銳示怯趙
充國之且屯且守俟其部衆志驕心離以計破之庶

虜若入邊當千其分掠之時擊之

無失也。一論冗兵。夫兵貴精不貴多。昔周瑜破曹操于赤壁。謝玄破苻堅于淝水。李靖于定襄破突厥於陰山。破頡利。斯皆以少擊衆。而多者反敗。是則兵不在多。能用計爾。惟京師根本之地。宜聚重兵以臨制四方。然以前代及我朝。洪武中兵制較之。今在京有親軍及五府屬衛之兵。又有衛陵寢牧國馬。服匠藝并續調外來操備之兵。其間冗食者不爲不多。而欲府庫充倉廩實。豈不難哉。乞命文武大臣。簡其精銳。習戰陣以振武威。汰其冗雜。給屯田以

歸農業。其西北備邊之兵。以次簡閱。養精銳。汰冗雜。則不惟內外兵精。足以禦侮防奸。而歲省粟帛。可勝計哉。一論曠官。切照在京各衛所帶俸都指揮千百戶鎮撫。或永樂先靖內難。或宣德正統以至景泰年間。各處征討有功。陞授以官。因諸處衛所官無缺員。既不如職授任。又不領隊管軍。一向隨伍執役。食六品至三品之祿。充一卒之用。養之徒厚。用之實輕。在京錢糧供給艱難。亦非所以貴貴而勸有功也。乞敕兵部同總兵官。於各帶俸官內。簡選有謀畧及驍

勇者量數存留領隊管操餘悉照依舊例。於大寧山東河南等都司中都留守司直隸衛所見今來京操備軍內精選兌換就令各官到任或除授在外都司衛所管屯等項不惟各安職任亦以大省軍儲自後候倉儲充實漸減漕運減一分軍民省一分之勞減二分軍民省二分之費傳曰生之者衆食之者寡則國常足矣。一論逃民臣前任河南叅政時查各處逃戶周知文冊通計二十餘萬戶內山東山西順天等府逃戶數多其河南之開封汝寧山東兗州直隸

之鳳陽大名。此幾府地境相連。往時近黃河湖樂浦
蒔之鄉。後河淺水消。遂變膏腴之地。逋逃潛住其間
者尤衆。近因河溢橫流。此幾處水荒。流民復散。間有
回鄉多轉徙南陽唐鄧湖廣襄樊漢沔之間。起食。恐
其饑寒相聚爲盜。聞朝廷遣官賑恤。已不失所。未
至爲非。緣此等逃民。始因躲避糧差。終至違悖德化。
食地利而不輸租賦。曠丁力而不應差徭。棄故鄉而
不聽招回。住他郡而不從約束。累詔寬恤。其原籍
與所在官司。兩難挨究。莫之如何。況今聲教所暨。四

海歸心。獨此輩侍。恩玩法。梗化若此。然以中原腹
心之地。爲流民淵藪。如昔陳涉王常張角諸盜。皆由
此起。今聖明撫運萬無此虞。然慮積歲滋久。時遇
饑荒。安知無奸盜扇禍其間。毒流百姓。故宜防之於
未然。合候年穀豐登。乞敕遣近臣。先往此幾處。着
落司府州縣。各委官沿村逐戶挨勘的實。籍貫丁口
明白。驗家口以給田業。隨土宜以課農桑。舉鄉飲以
導其父兄。立鄉學以訓其子弟。建鄉社使知報本。設
義倉使知備荒。時加巡察撫綏。德禮以化之。刑法以

齊之。徐議其賦役。俾爲治世之良民。庶無後來之患。一論馬政。治兵以備戎狄。畜馬爲先。如漢太僕牧師諸苑三十六所。分置西北二邊。奴婢三萬人。養馬三十萬疋。唐于西北置八坊四十人監以牧馬。自貞觀至麟德年間。馬七十餘萬疋。宋在京有兩院四監六坊。在外有十四監。牧地四萬九千四百餘頃。兵校一萬六千三百餘人。飼馬二十餘萬匹。然牧馬之地無考。較其養馬十疋。只用一人。唐之牧馬數蕃。而芻馬之田數不登。餵養之人數無考。宋牧馬之地差廣。較

其養馬一人不啻十疋。又有戶馬。則蠲其科賦。保馬則蠲其征役。比前代馬政。牧于官者多。牧于民者少。我太祖高皇帝定鼎金陵。歸馬淮甸。太僕所領。牧于民間。西北二邊。置太僕寺伍。苑馬寺四。監一十九。苑七十四。則官署有加於昔。其養馬之人。與牧地馬數。莫知幾何。若北京行太僕寺所管馬疋。先倭順天人府民間牧養。後民丁不敷。復倭山東河南。是蓋牧于官者。其法漸廢。牧于民者。其數日蕃。又不蠲其科賦。復其征役。及種馬倒死馬駒有虧。未免督責追賠。

其續增馬數。又合添俵。民甚苦之。宜令各太僕苑馬寺查勘。置設各監苑之初養馬之人。放馬之地。牧馬之數幾何。其法制仍在。如便孳牧。將後該俵馬匹。與寺苑領養。又歲選其堪騎操者。給與馬隊官軍領操調習。庶幾緩急可用。若官爲多。牧民再增。幸甚。一論權幸。昔堯舜之世。靜言庸違之共工。不得不流。方命圯族之鯀。不得不殛。况後世之臣。豈無共鯀其人哉。我太祖皇帝時。置中書省以總政權。初用李善長爲左丞相。得幸。朝臣之無忠義者。陰與構禍。繼用

胡惟庸爲左丞相得幸結構羣小夤緣爲姦後先敗
露相繼誅夷詔罷中書以抑權幸太宗皇帝時
錦衣衛紀綱得幸希旨弄權貪利僭分事覺併誅
其黨復籍其家榜示天下垂戒後世太上皇帝信
任王振得幸專權擅作威福內外官僚罔不畏憚正
直氣沮莫敢言其非邪佞朋佞惟欲附其勢同列應
對或至屈膝臣僚叅謁或至叩頭奢僭已極智能自
矜不知用將在謀用兵有法輕視虜寇意圖要功強
萬乘之尊擁數十萬之衆雖智由天錫然目未見

敵身未經戰。且帟幄運籌。智能莫預。安能定廟筭。
以授諸將哉。是以諸將不知主謀。諸軍不知將令。
乃欲破虜勅敵。鋒刃未接。營陣已陷。當國家全盛。
天下無事之秋。軍非不精。馬非不良。兵甲非不堅利。
臨機失措。不戰而喪師辱主。爲戎狄所笑。自古以
來。未之有也。權姦誤國若此。雖其自取殺身赤族之
誅。虜且乘勢入關。犯京都。驚陵寢。賴陛下委任將
相。協力運謀。誓師問罪。虜雖遁去。尤恐上皇乘輿
播越沙漠。困處穹廬。固知聖情靡寧。猶以君道自

尊聲色不動、彼雖殊俗、莫不瞻感敬服、終執臣禮、

陛下遣使省問、復諭虜以恭迎、上皇恩意有加、義

以貢之、誠以動之、慮方悔罪、款塞奉送、上皇法駕

還京、陛下得以解錫原之憂、中國臣民得以解不

共戴天之仇、實不幸中之大幸也、斯皆往事、鑒戒昭

然、今所任用、未聞有此、尤宜慎之、於未然、伏願 陛

下視朝之暇、日御便殿、集勲舊之臣、延英俊之士、訪

論治道、商確政事、好問好察、以通下情、明目達聰、以

廣 上智、忠佞自見、誠僞莫逃、然必總攬威權、自奮

乾斷法堯舜之除凶惟允體祖宗之去邪勿疑務兼聽以納讜言毋偏信以長奸計則賢善日道內外官皆正人而權幸者自遠矣

邊務 倭倭

英宗蒙塵之後公撫西浙恐倭寇乘機故此疏具功切見去歲日本國王差使臣來朝人伴動計千數

海之署來到浙江肆爲狂悖恐中間有夾帶先年攻劫爵溪等處倭賊且在寧波住久竊窺邊海港汊得知水道今雖回還其心莫測明年風汛時几恐倭賊或至犯邊緣比先沿海各衛所原設戰船各有水寨併艘官

軍常川在船哨備。私擅回營者少。正統二年。革散水寨將船掣回。各衛所港汊守備官軍回城近便。故多有棄船戀家。船隻不修。器械不整。聞知巡海三司官來點閱。隨即赴船聽點。其遠去者。雇人應名點視。巡海官去。仍復前弊。是以船隻內有朽爛。遭風等項。數多。今浙江水旱民饑。難便補造。其水寨卒難復設。若不設法。預爲整備船隻。揀選官軍。修造兵器。訓練武藝。遇警不無失措。臣同 欽差鎮守浙江都知監右監丞阮隨計議得。邊防急務。案行浙江都布按三司

皇明經世編

孫司馬奏議
卷之一

洛倭

十

平露堂

各行巡海官整備外。及照按察司巡海僉事黃譽巡海一年將滿。該督本官公勤廉謹。提督有方。軍民悅服。如蒙 准題。乞 敕該部量與增秩。與同叅政曹凱。職專巡海。備倭。庶邊備得人。軍政整肅。緣係處置備倭事宜。開坐謹題。請 旨。一體訪備倭指揮千百戶中有智勇過人。善撫士卒者。每處四五人。各管原船。按期調換。今選當先船上領軍勦賊。一將沿海各衛所官快船內旗軍。操練武藝。試驗弓弩鎗叉牌銃等項。隨其所能。演習慣熟者。每船十四五人。或

二三十人。各記姓名。仍在原船操守。遇警將原選船內旗軍。照名換兌過船。當先勦賊。一將各衛所官快船隻揀選。新造堅固。便于駕使者。每處四五隻。逐一點看。船內繩纜蓬櫓等項器具。俱要堅完。臨期當先勦賊。其餘船隻并器具俱要修整完備。一四百料以上船隻。使風搖櫓。攻捕賊船。回旋進退。遲鈍不便。體得沿海魚船。熟知海道。不畏風濤。駕使便捷。遠出哨探。賊船不疑。臨機得用。行仰布按二司巡海官員。督令沿海府縣委官。河泊所取勘居民并魚戶船

隻。每縣定與字號。編定總小甲。爲照各衛所原設風快船。若是大海外洋。不堪駕用。合將船內官軍演習弓弩火銃。量船大小。每船或十數人。或二十餘人。設伏船內。遇有賊船。協助官快船四面夾攻。以取全勝。無警聽令捕魚辦課。府縣委官。河泊所。仍要鈐束。不許生事。一訪得邇年倭寇登岸。其船來有遲速不同。俱約在三姑柱山南麂等海瀝。停泊取齊。合着魚船伏兵。先去此幾處捕魚。爲由哨探。遇有賊船一隻二隻先到。就用弓弩火銃飛石攻打。如賊船到多急


報官快船官軍禦敵魚船夾攻。則賊成擒矣。其魚戶
稍水人等有功一體具奏陞賞。一如所選船五
隻。置五色旗號。再添五隻。又置五色長號帶。遇有海
賊聲息。每船記用方色旗號。桅上高懸。臨敵之際。看
驗某色旗帶船隻敢勇當先。某色退縮不進。以憑賞
罰。一整點器械。旗幟金鼓。盔甲刀鎗。弓弩叉牌。銃
砲等項。逐一考驗。俱要鮮明鋒利堅完。若有損壞欠
缺。如法修補。一沿海衛所。某處遇警。飛報鄰近衛
所。備倭官軍。務要督率船隻。互相策應。先行分路。某

衛所與其衛所相去幾程。海道可以策應某處衛所。臨期不許推委失悞。一選撥能慣打飛石旗軍。各船拾取石塊預備應用。一各船整備小瓦罐三五百箇。小鐵菱角多辦。臨期將罐多半用汙泥和菱角裝罐內。打過賊船。賊皆跣足。可以制之。又將餘罐裝盛石灰于內。紙糊罐口。打過賊船。可迷賊人眼目。一各船整備標鎗二百根。臨期望斗上着人用以勦賊。一戰船一隻。內執事舵工一名。班守二名。研守一名。修理船隻器具。皆係四人掌管。查得照比先永樂年

間下西洋船隻事例。比各軍於正支月糧外。又增五斗。自正統二年革去水寨。其執事人所增月糧亦俱減去。因與衆軍一例。是以多不用心。以致船壞不修。器具不整。臨期悞用。乞敕該部照舊增支。以勵勤勞。一捕獲賊船。將船內貨物。通船見數。以憑論功。高下定給充賞。

皇明經世編卷之終

皇明經世編

 孫司馬奏議

十三

平露堂

皇明經世文編卷之二十五

華亭

陳子龍臥子 徐孚遠聞公

選輯

宋徵璧尚木 顧開雍偉南

董 會逢吉叅閱

周學士奏疏

疏

周 叙

復仇疏

土木封事

臣幸生逢 聖明、不意國家近日有大不可忍言之
事、臣自聞令諭、日夜撫膺揮涕、寢食不寧、又無才力

皇明經世編

周吳二公疏

未摯一

平露堂

智能可以赴難復讐。恨不即自殞絕。謹竭愚忠。有可
上報朝廷之萬一者。不敢隱默不言。恭惟郕王殿下
承 聖母皇太后命爲監國。則天下事皆在於殿下
一人之身也。昔周公輔成王。當承平之日。今 殿下

輔 皇太子于有事之秋。視周公之時。又甚艱大。雖
於監國之時。即爲代立之疑。忠亮如是。

曰。日望 聖駕早還。以慰臣民之思。然虜情叵測。時

月悠邁。天下之大。蒼生之衆。易以搖惑。殿下得不於
此深謀熟慮之乎。蓋 殿下於 聖上親則兄弟。誼

則君臣。君父之讐。不共戴天。宜與群臣如越王之臥

新嘗膽以報吳讐。如使智者獻謀，勇者効力，必盡殲虜寇而已。爲今之計，先須博選辯士，卑詞重幣，暫爲

此與南宋遣使不同

君父屈論，以答時通好恩待之厚。今因奸臣誤國，興兵構怨，遂失南北之歡。若能即返聖駕，則結好和

親，世世利賴。不然，則堂堂天朝，疆域萬里，兵甲數百萬衆，得不思汎掃沙漠，以圖報復哉？必求其人可使者遣之。庶或有濟。至若能返與否，必當選將練兵，慎

固邊疆，防其再舉。俟上天悔禍，宗社靈長，休養生息，訓甲練兵，分遣良將，直擣巢穴，擊其虜酋，以伸萬世

之憤。未爲晚也。愚昧之誠。不能自己。僅陳芻蕘之言。條列于後。伏乞鑒納。一曰勵剛明君上之德。貴于明而尤貴于剛。明則物無遁情。剛則事不牽制。全是二者。乃克有濟。易曰剛健。書曰欽明。古咎聖哲允勵乎此。故能駕馭英豪。平治宇內。前此奸臣蔽主之明。權移于下。致茲禍敗。殿下睿質天賦。至剛至明。如斷馬順之事。中外震懼稱快。伏乞益加奮勵。不懈初終。二曰親經史。古今治理。國家興亡。具載典籍。讀而知之。可爲鑒戒。伏望殿下延問群臣。開閣置書。史選

學識純正者。與之講論義理。因可詢訪時政。庶聰明
日益。治道有資。三曰修軍政。方今切務。莫逾選將練
兵。然思。何以致之。將必多方推舉。親召問以慰勉之。
軍士必設法召募。時鼓動以來之勤訓練。恤飢寒。作
之以氣。結之以恩。庶幾可底成功。日夕與大臣老將
計議。精兵足食之要。不惟臨事有濟。抑且國威振揚。
四曰選賢才。國家治亂。係于人才。賢否而人才難知。
自古所病。亦必思求所以知之之道。夫君子難進。易
退。二者混淆。治道衰矣。厥今人才。布滿有位。其賢否

則不可不察。數年以來。權奸專政。小人蒙耻。冒進成風。其間卓然守冰霜之操者。僅保少禍而已。自茲以往。宜慎選舉以求之。嚴考察以別之。峻拔擢以激勸之。且吏部正官。及諸司屬職。實庶官之本。其素賢者。畱之。不堪者。遷調之。俾之講求用人之要。專其責委。斯賢才可得。治理有望。五曰安民心。夫民心向背。國之存亡攸係。不可不思所以安之。今邊事方興。用軍供饋。皆資民力。緩之不能集事。急之必至生變。處之可謂難矣。苟不固結其心。惟刑驅勢迫以用之。詎可

經久哉。若得人居守令長民之職。則處置適宜。徭役有要。民心服從。乞令左右大臣。選擇賢才。庶守令得人事安民。六曰廣言路。在晉帝舜大聖。詢於芻蕘。好問好察。故治底無爲。人樂熙皞。誠以一人之知見有限。天下之事變無窮。能集衆善。則舉措克當。故歷代君臣。聽言則治。諱言則亂。史籍可鑒。前此內臣王振肆奸擅政。殺害忠良。中外屏息。不敢出口。茲遇

殿下受監國重寄。繫宗社生民之托。當明目達聰之時。伏乞再申教令。許人人建白。不拘忌諱。惟裁擇可

否施行。七日復面奏。伏見 列聖臨御之時。早朝大

班既退。即於門上說事。各衙門官。輪流向前。商榷政
務。罄盡所言。人懷畏憚。而事機不泄。自正統以來。王
振擅權。獨立在旁。於是群臣不得召對。或有召對。亦
不敢詳盡。以致今日之禍。恭惟 殿下監國親政。宜
復舊章。凡各衙門官。務令各向前說事。止與敷對者。
相○知○他○人○皆○不○能○預○聞○。庶得吐露肝膽。陳布嘉謀。

殿下亦須秘重。毋少宣泄。或令輔弼大臣。隔日隨從
于 皇太后簾前。奏決大事。以權一事之宜。庶國事

有歸。中外有賴。八日修庶政。天下一統。萬幾日臻。孰
然則監別之皆太后蓋行禹廉之非當理。但事有輕重。勢有緩急。况今弊政之餘。尤難

爲功。得不思其緊切者施之哉。如選任大臣。以端治
本。嚴賞罰。以聳觀聽。崇獎御史。以振紀綱。革罷監軍。
以專委寄。講求屯種。以省餽餉。輯睦親藩。以厚宗支。
旌表忠節。以作士氣。限禁僧道。以來召募。革去賞贖。
以澄貪濁。禁抑權貴。中鹽以通商賈。招降各處寇盜。
以安反側。修理水陸道路。以便驛運。整棚腹裏軍馬。
以備不虞。似此尚多。宜令預政大臣。逐一詳審條列。

施行則內修外攘大讐可復邦國莫安矣

吳學士奏疏

疏

吳節

遷務疏

土木封事

當英廟未北狩之時也先使來教有實資故袁斌等
人君負天下之大任必合天下之衆謀而後能成莫
皆以口恩責也先
大之功建不世之業從古以來未有不謀而成者也

往者太監王振以藻飾太平爲名遣小人陳友等招
致北虜連年進馬因此探知中國虛實遠來寇邊振
素不習邊務又不納群言輕導乘輿遠出以挑禍釁

邇者猾虜又假以送 駕爲田深閼關隘直抵京師
諸將大臣既不能出奇効力殲遠來疲弊之寇又不
能料探設伏以邀其歸路致令一夕遁去坐失事機
一至于此誠可爲痛哭流涕者也。晉趙宋以一隅之
地尚能與虜角勝況我國家萬方一統金湯完固軍
旅衆多謀臣猛將如林而不能得志醜虜者乎。然欲
得志亦在乎經營籌畫之審而已矣。伏惟 陛下會
合衆謀審而行之運乾剛之斷鑒委靡之失則建中
興赫赫之功端在斯時矣。謹陳邊務十事一曰明賞

罰書曰用命賞于祖不用命戮于社予則孥戮汝蓋
賞貴重罰貴嚴賞重則人勸功罰嚴則人致命近者
達賊臨城總兵官石亨等建大營于城外各門之兵
俱受節制又定與賞罰之令亦重且專矣而亨等惟
事姑息軍士有私自逃回而不知者有臨陣退走而
不問者有此軍進戰而彼軍不收者此皆法所難容
而亨始終不戮一人以徇臣恐設有逆虜復至則人
以退逃爲幸其誰與爲戰乞申命亨等自今凡若此
者即斬以徇則號令嚴明兵陣整肅雖赴水火無不

如志矣。二曰料虜情。夫醜虜自鷄兒嶺得志以來。輕視中國。及叛人喜寧導之深入。於是越關而來。直抵都城。後雖遁去。然聞其黨尚藏易州涿水諸山中。遣人四出劫掠。此必欲據保定一路。以爲賊藪。又倚紫荆關近。可爲走路。其所以四出劫掠者。蓋欲誘我逐兵分散其勢而取勝也。乞命楊洪孫鐘范廣諸將勿貪小利。勿急近功。務探虜情。或與對壘相持。或夜劫其營。或設伏以邀其歸路。使其匹馬隻輪無返。則兵威振而醜虜不敢復睥睨金湯之固矣。三曰定遠謀。

夫醜虜也。先深入中國。其精銳必與偕來。聞其老營

此形格勢禁之道

尚在開平。猫兒莊。二虜脫脫不花王子往來其中。乞
令楊俊仍往宣府將兵。益以附近諸衛之兵。潛遣人
偵候其虛實。日夜併走其虜營。擒其王子來獻京師。
則賊必駭散。而大業有光矣。四曰耀兵威。今之將臣。
賊至則設兵衛。賊去則令老弱守之。臣愚以爲敵在
近畿。不可頃刻怠忽。宜於城內設木馬。令軍餘習學。
超距城外。令軍士披甲執弓。間列旗幟。日遣御史等
官巡視。或虜人探聽。見城上旗幟精明。士卒圍繞足

以折其邪心不取輕躁京都之地矣。五曰謹和議夫
○此○與○于○忠○肅○同○說○
和議所以通好也。平時兩國往來未始不可。方今之

際切不可妄議夫城下之盟小國所耻。執宋伐宋春

秋所不忍言。彼趙宋偏安江左。秦檜主和。猶爲古今

切齒。况方今萬方順軌。虜雖陸梁。而吾城池疆塲無

缺。甲兵足用。人心親附。勤王之師日集。奚憊于和哉。

今使虜使再至。止可給以賞賜。勿遣人酬荅。俟諸將

功業就緒。然後遣人以正誼責之。祇迎。上皇有日

也。至若大將軍體貌尊嚴。不宜與虜使狎。自今乞勿

令石亨陪宴則虜使畏其威名折衝消患之效庶乎有在矣。六曰勤政務。祖宗自開國以來設午朝引諸近臣商確政務。况今國家多難之餘尤宜切切咨詢治道。復午朝之典。仍引近臣於便殿與之計議。用人得失。戰陳利鈍。生民休戚。及古人成法之可行於今者。則君臣一體政務罔不周知。大綱舉而萬目張矣。七曰固根本。失京師國家根本之地。頃以虜寇內侵。近臣中多有以遷都回南爲言者。至今其議未息。夫以盤庚平時遷耿尚不免訛言况危惡之秋而可

輕于動搖人心者乎。此其不可也明矣。八日護陵
寢。天壽山守衛官軍多調往各處守關。致令達賊劫
掠。雞犬皆空。家屬逃竄。若夷虜復來。輕剪松柏。蹂踐
輦路。則萬世之下。何以自支。宜命大臣招集舊兵。益
以鎮守之兵。深溝高壘。以防寇盜。則皇靈安慰。而

福被無窮矣。九日安民心。今昌平至保定一路。被賊
殺掠。軍民逃匿。無以自存。近者諸將漸有擒殺達賊。
取還人口。所得牛畜。悉送京師。宜令被掠所在軍民
辨識。給與耕種。其無人識領者。悉付有司餵養。俾有

所籍以給春耕。又聞河間以南人民妄傳虜至。逃竄未已。乞榜示諸將殺退胡虜功蹟以安衆心。十日獎成士鵠兒嶺等處戰死武臣俱係忠勇之士。已蒙遣人焚瘞。宜令所管頭目於官錢內支買牲醴儀物。于其家祭勞。明著恩意撫其妻子。如此則生者嘆羨。死者有勞遇有戰鬪。雖死無憾矣。

皇明經世文編卷之

皇明經世文編卷之二十六

華亭

徐孚遠聞公 陳子龍卧子

選輯

李 雯舒章 周立勲勒占

宋徵璧尚木叅閱

王抑庵集

記

王直

常州府重建黃田閘記

常州建閘

水之有閘所以時啓閉謹蓄泄通舟楫之去來資田疇之灌溉其爲利大矣然唯仁民愛物之君子斯能

因其利而利之。不然則怠情縱弛。苟目前之安。忽經久之利。其爲民病。豈小哉。予於黃田閘之重建而知其用心之厚也。常州江陰城北黃田港。引江潮貫城中。而出於南門。凡二十里。會夏港之蔡涇。以達于運河。實舟楫走集之地。附郭良田數千頃。皆賴其灌溉。港因潮之消長爲淺深。長則溢。消則涸。溢則舟通。而足以溉田。涸則田不得受利。而舟膠。且敗者有矣。唐長慶中。李德裕觀察浙西。始建閘於城北。潮長卽啓。以行舟。消卽閉。以蓄水。人賴其利。歷歲滋久。繕治不

繼日就頽毀。自洪武丙子以來。人失利也久矣。前之爲郡縣者數十人。莫有少慨於心者。宣德中。工部郎中桂林莫侯愚。被簡拔來爲郡。上賜璽書。俾興利除害。侯詢知其事。歎曰。此亦利害之大者也。今田利漕舟皆賴此。其可後乎。然以始至不暇爲。久之。政通民和。卽具奏其事。上命巡撫侍郎周忱經度之。周公廬陵人。忠以奉國。仁以惠民。而侯與之協議。重建于舊址南五丈許。以避水之衝。念役重費殷。不忍賦於下。公常廣儲蓄以備災。度可支數十年。欲稍發所

備米市材僦工一切不以煩民計其費以聞詔可之乃命通判邵武張侯齡董其役然諸調度皆出周公買石洞庭山礱琢而後致之凡用石工五十人木工十人金工五人土工十人役夫二千五百人石四萬五千尺木二萬一千一百根磚三十萬一千箇石灰四千石鐵一萬一千斤食米二千九百石經始於正統元年八月而以其年十月成自是歲獲大穰舟行無害耕夫揖徙商人估客鼓舞而贊誦焉郡中父老皆大喜曰茲閘之建吾郡襟抱嚴固風氣完復吾

民其永有利哉

御書記

仁宗御書

仁宗皇帝御書五十一字。臣直之所寶也。永樂七年
太宗皇帝巡幸北京。仁宗爲皇太子監國。今少師
吏部尚書臣蹇義、少傅兵部尚書兼華蓋殿大學士
臣楊士奇、少保戶部尚書兼武英殿大學士臣黃淮
前兵部尚書臣金忠皆兼領宮臣職輔導。臣直爲翰
林修撰亦忝侍近。凡朝廷機密重務軍書表奏之達
行在者必使預執筆焉。臣直庸瑣朴愚奉事唯謹。

仁宗皇帝以爲可用，不之棄，湛恩厚澤，徃徃及之。此御書之所由來也。其編修王直四字，是年端午賜扇之所題，謂爲編修者蓋誤也。七月，臣直以目疾不能朝，上聞命製藥，使臣士奇持以賜。其賜王直等九字，蓋上所封題者也。時先臣伯貞知瓊州府，年六十八矣，臣直以爲老，言於上，上俾致事而歸。其王直告父年老以下二十二字，蓋批示吏部者。八年冬，太宗皇帝車駕還京師，臣直仍領舊職，有司以先王致事，年不應律，亦變易不行。然仁宗皇帝恩德之

行當時蓋能守法如此
在臣父子者豈敢忘哉越二年癸巳臣直扈從太

宗皇帝來北京又三年丙申先臣亦以內艱起復詣
行在改知肇慶府未行以疾卒臣直奉柩南還過京
師見上於文華殿語當時事及先臣之故上憐
之命光祿寺給在途飲食之用既辭又命內臣持白
金以賜其白金一斤以下十六字亦上所封題者
也於乎以臣之愚得親侍者僅二年而上寵賁之
如此嘗竊論之天之覆物其雨露之潤澤日月之照
臨不間於大小貴賤無不被其榮者仁宗皇帝聖

德如天，此臣之所以蒙幸也。自是而後，臣直連丁內艱，前後去朝廷者六七年，及其再來，適當龍飛之際，於是蒙恩陞學士，擢庶子，方致身策鈍，以冒報而忝湖之駕舉矣。臣直所以長號痛憶而不能已也。於是以常所受宸翰裝類成卷，寶而藏之，以寄其遐思。昔蘇軾爲王舉正記宋仁宗飛白書，有云：寶烏號之弓者，不若藏此筆。今臣直亦云。蓋上之精神恩澤所寓也。嗚呼！攀髯不可及矣。瞻雲漢之昭回，仰聖神之如在。臣直其何以自盡哉！唯當勉修臣職，以不

辱大賜，庶幾少報萬一云耳。卷旣完，謹書其所以受賜之故，庶覽者有考焉。

寧夏豫備倉儲記

寧夏倉儲

寧夏西陲重鎮，負山而阻河，外制夷狄，內固關隴，古所謂用武之地也。國朝旣設寧夏五衛，及靈州千戶所，又發內地官軍數萬騎，訓練以重威。且命太監來公作鎮于此，而都督史公某，佩征西將軍印，總是師都督。丁公某爲叅將，又命都察院右僉都御史金公濂，贊理其軍事。諸公負文武之才，秉忠愛之心，政令

肅然小大和洽邊塵不驚烽火幾息而安內攘外之功立矣。皇上至仁如天遠邇一視謂四方雖無虞而域災恤患不可以無備乃詔中外擇賢臣發府庫之財以益倉廩之粟俾或遇凶歲貧者可以不饑而軍民中有能出粟以佐官者當旌其義復其家寧夏之儲則專以委金公金公既受命夙夜圖議以求稱上意而來公史公丁公又皆與之協同力一心慎選寧夏諸衛指揮而下廉公有爲者得王輔等人分理其事以陝西都指揮同知張泰董之按察僉事許資

泣焉伐材爲倉屋二十六所出官府貨貲糴糧貯其中金公又申天子恤下之仁與旌義之令誕告於有衆於是諸衛所之士及王府之屬與其地之富民茅貴等皆感激奮起曰吾儕生於斯長於斯而遭遇聖明四夷賓貢無戰伐之勞暴徵橫賦之擾得安居樂業而有餘積者皆上之賜也今聖心惓惓以養人爲務慮有水旱之災而豫爲之防唐堯殷湯之德不過也其可以負哉卽發所貯公之官俾自爲歛散共得糧六萬六千八百三十石有奇又督寧夏河

渠提舉司修治漢唐諸渠。及諸壩口。以溉田。木以根
計。草以束計。總之爲數一百七十七萬六千四百六
十九。既成而右僉都御史盧公睿適來。又爲之規畫
處置而功益大備。蓋始于正統五年十月。至次年三
月竣事。于是寧夏之人。有當仰給于官者。皆大喜曰。
上之愛我至矣。雖遇荒歉。吾不以饑死必矣。金公旣
還朝。間與予道其事曰。往年西陲有不足。朝廷轉內
郡之粟以給之。道途險遠。運者率費十而致一。今茅
貴等所輸以饋運計之。其省費可知矣。濂何能得此。

於人哉。由上篤于仁，有以啓其好義之心焉。耳既蒙旌褒給復矣，然非託之金石，則何以示久遠。勸將來先生爲我記之，俾刻焉。予謂上之仁，諸公之惠與茅貴等之義，皆不可不書。若河渠之修，殫力如此而思善繼，永勿壞，故不辭而爲書之。若其人之姓名與其所輸之數及倉之所在，則具載於碑陰。

美靖遠伯王公功成詩序

文臣封伯

自開國以後文臣以武功封者始於靖遠此文亦以紀異也
予嘗觀夫古之命將，皆文武之才，非特三代盛時爲然也。周宣中興，有玁狁之難，而用尹吉甫，以其文武

具備衆之所法也。降至春秋，晉侯命將，猶以詩書禮樂爲上。及其論戰，亦本于仁義禮信。則所尚可知。已自是而後，文武異途，斬伐擊刺，獨武將任之。而文學之臣不與焉。豈能文者不皆習武事邪？抑文不適於用邪？有唐伐蔡，久無功，乃命裴丞相度爲都統，以賞罰用命不用命，遂滅蔡。當時環蔡皆銳兵宿將，然功必待度而後集，則文學之臣豈盡出武將下哉？撫師以仁，用師以義，勝雖在力而制勝在心，可以無敵於天下矣。儒者之道如此，是果不識于用耶？亦何其寡

寥濶絕也。於今乃得見之。豈非君子之所樂道者哉。
靖遠伯王公尚德兼資文武有異才。昔爲兵部尚書
時。嘗受命總督西陲軍務。麾兵出塞千餘里。襲虜寇
殺之幾盡。聲震西北邊。自是累歲無寇患。文武之士
莫不帖然服。欣然喜。而誦公之功不置。及麓川叛逆。
久勞師旅而功未成。上旣以定西侯蔣公統其軍。
而復命公總督之。將士聞公來。勇氣百倍。皆樂戰。公
督衆深入。盡破諸賊砦。圍其巢穴。以火攻。兵勢銳甚。
賊之脫而走者。蓋無幾。遂定其地而歸。人咸謂公無

愧于古人。凡能文者皆作詩。美之。蓋風風乎其言也。予與公同業而迂懦不振。喜公之功有成。而古之道復見也。故樂爲天下道之。雖然是詩也。豈獨著公之美哉。昔者申伯仲山甫有行。尹吉甫作詩送之。崧高烝民是也。而序者謂爲美宣王。蓋任賢使能以致中興。宣王之美見矣。今聖明在上。知公之賢。用公之篤。是以有成功。則是詩也。雖爲公而作。然謂之美朝廷可也。故爲序之。百世之下。欲知今日之盛者。必于此有徵焉。

皇明經世文編卷之二十七

華亭

徐孚遠間公

陳子龍臥子

選輯

宋徵璧尚木

李

雯舒章

沈泓臨秋叅閱

楊文定公奏疏

奏

楊溥

預備倉奏

積貯

伏聞堯湯之世。不免水旱之患。而不聞堯湯之民。至於甚艱難者。蓋預有備也。凡古聖賢之君。皆有預備

之政我太祖高皇帝惓惓以生民爲心。凡於預備
皆有定制。洪武年間。每縣於四境設立四倉。用官鈔
糴穀。儲貯其中。又有近倉之處。僉點大戶看守。以備
荒年賑貸。官籍其數。歛散皆有定規。又縣之各鄉。相
地所宜。開濬陂塘。及修築濱江近河損壞隄岸。以備
水旱耕農甚便。皆萬世之利。自洪武以後。有司雜務
日繁。前項便民之事。率無暇及。該部雖有行移。亦皆
視爲文具。是以一遇水旱饑荒。民無所賴。官無所措。
公私交窘。只如去冬今春。畿內郡縣艱難可見。况聞

今南方官倉儲穀十處九空。甚者穀既全無。倉亦無
存。皆鄉之土豪大戶。侵盜私用。却妄捏作死絕及逃
亡人戶借用。虛立簿籍。欺瞞官府。其原開陂塘亦多
被土豪大戶侵占。以爲私已池塘養魚者。有湮塞爲
私田耕種者。蓋今此弊南方爲甚。雖聞間有完處亦
是十中之一。其實廢弛者多。其濱江近河圩田隄岸
歲久塌坍。一遇水漲。淹沒田禾。及開埧蓄泄水利去
處或有損壞。皆爲農患。大抵親民之官得人則百廢
會守已不乘耳何暇興此等事耶舉不得其人則百弊興。此固守令之責。若養民之務。

今卽此弊能吏亦不過簿書期

風憲之臣皆所當問年來因循亦不及此事雖若緩其實關係甚切伏望聖人特命該部移行各布政司按察司及直隸府州縣除近有災傷太處暫且停止候後來豐熟舉行其見今豐熟去處悉令有司遵依洪武年間舊制凡倉穀陂塘隄岸並要如舊整理倉有損壞者卽於農閒時月用人修理設有虧欠者除赦前外赦後有侵盜者根究明白悉令賠償完足亦免其罪不許妄指無干之人搪塞若有侵盜証佐明白而不服賠償者准土豪及盜用官糧論罪有司

仍將舊有賠償實數開奏其陂塘隄岸亦令郡縣凡
損壞悉於農閒用人修理有強占陂塘私用者犯在
赦前亦免其罪卽令退還不退還者亦准土豪及盜
官物論罪其退陂塘及圩岸閘埧應修去處亦令有
司開奏應修築者以次用工完日具實奏聞仍乞令
戶部行各布政司府州縣除災傷附近去處外凡秋
成豐稔之處府州縣官於見有官鈔官物照依時價
兩平支糴穀粟儲以脩荒免致臨急倉惶失措年終
將所糴實數奏聞郡縣官考滿給由令開報境內四

倉儲穀及任內修築陂塘隄岸實數吏部查理計其
治績以定殿最各按察司分巡官及直隸巡按御史
所歷州縣並要取看四倉實儲穀數及陂塘隄岸有
無損壞修理實蹟歲終奏聞以憑查考如有仍前欺
弊怠事者亦具奏罪之若所巡歷之處仍前不問不
理或所奏扶同不實從本衙門堂上官糾劾奏聞庶
幾官有實蹟荒歲人民不致狼狽耕種無旱澇之虞
祖宗恤民良法不爲小人所壞

詔


陳循

立東宮詔

立東宮

皇太后詔天下、邇因虜寇犯邊、毒害生靈、皇帝恐
禍連宗社、不得已躬率六師、徃正其罪、以安國家、
不意被留賊庭、尚念臣民不可無主、茲於皇庶子三
人之中、選其賢而長者曰見深、立爲皇太子、正位東
宮、後來易儲諸公不得無見矣仍命邸王爲輔、代總國政、撫安天下、於戲、國必有
君而社稷爲之安、君必有儲而臣民有所仰、布告天
下、咸使聞知、

皇明經世編

 楊陟二公集

立東宮

四

平露堂

撫安軍民詔

勝虜

詔曰朕以涼德嗣承大統仰惟祖宗創業之艱宵旰孳孳勉圖治理重以大兄太上皇帝鑾輿未復痛恨日深方誥兵數十萬欲以問罪於虜而虜以使來請迎復者屢皆詐太上皇帝詔旨謂若重遺金帛以來虜必款送還京朝廷固疑其詐而於理難辭拒悉勉從之柰何其計愈行而誑愈薦乃十月十五日也先悉衆躬詣城下仍以請迎講和爲詞朕遣大臣出迓徧歷虜營不見大兄鑾輿所在遂焚書

斬使揮六師搗之、斬獲其類無筭、虜衆大潰、乘夜奔遁、餘孽散伏於近郊者、亦皆搜戮、無遺、京師內外爲之帖然、尚慮四方遠近、罔聞克捷、猶懷驚悸、耕鑿未遑、室家靡定、無以慰安人心、特茲詔示、其各復爾舊、寧爾生、永彰殺伐之功、共樂雍熙之治、布告中外、咸使聞知

此處尚少報仇延譽數語

勅諭

勅諭北平章院使

貢夷

皇帝勅諭北平章院使孛來并大小頭目、朝廷自

我祖宗以來至於今日、恭膺天命、主宰華夷、福善禍淫、惟天是法、是以四方萬國、莫不仰戴恩威、歸順之者、天必賜以全安、背逆之者、天必降以禍亂、此又天眷我朝、不待其用民力而良善自生、凶惡自殄也、往者也、先逆天背道、擾我中國、殺害乃王、僭號曾不幾時、滅身在瞬息、豈非背逆朝廷者、天必降以禍亂、而竟惡自殄乎、今爾等能敬順天道、尊事朝廷、痛改也、先前非遣人以馬來貢、雖曰暫時困窮、終可以免危亡、豈非歸順朝廷者、天必賜以安全而

良善自生乎。今使臣回已行厚加宴賞并以賞賜回
賜爾等馬價綵幣表裏等物及所奏討物件一一付
與領回給授至可收領所求米糧盤費騾馬弓甲一
節盤費賞賜之物卽是米糧重大馬上難帶至於車
馬甲冑弓箭自古帝王非有大功勞於國者不賞今
我國家武庫兵器萬萬惟大軍出征則給與况有
祖宗明訓尤戒不可與人豈可助人讐殺失上天好
生之心故皆不與特諭爾等知之爾等宜體天心一
以敬順爲務毋蹈前失庶幾永遠享福故諭

疏

條議疏

荐用文武大臣

自古大臣以道事君、不深于道則必以人事君、況今之急務、尤當爲朝廷得人。朝廷得人莫先六卿。致仕刑部右侍郎何文淵年與臣等、自進士出身歷御史知府至今官、臣每見其行已蒞官、操守慎密、至于難進易退、不苟得患失、又皆不在人下、近日六卿之中、擢用一二、誠當其選、若文淵者宜召之至京、以備方來之選、則六卿愈見得人、庶官何患無賢、且文淵甘

自引遯久矣臣非爲文淵求再進欲爲六卿得人以及庶官故也守居庸關副都御史羅通雖發身科目而曉暢軍事非他人所及竊謂京師猶腹心邊鄙猶手足其間固有輕重緩急朝廷以通爲能而委以治兵必當就重違輕就急違緩若止令守一閑所用已小矣臣亦非爲通求遷秩欲京師訓練攻戰者得人故也大同天城陽和宣府一帶邊城聞石亨言一城得五百人以守虜雖衆不能破是邊城而不務戰尚矣徒貯善戰兵將于務守之城堡何益石亨楊洪及

此古者一戰之計也



洪之子俊皆今之善戰者前日都人長幼一聞洪父子兵來皆相與喜以其素有善戰之聲在人耳也善戰而使之守猶善行者而使之坐豈不棄其所長乎亨及洪父子又皆虜所畏憚而不敢攻大同宣府者也與其虜畏憚我手足孰若畏憚我腹心臣亦非敢爲洪父子求進用欲虜畏憚京師如昔畏憚宣府等城而不敢攻故也○關○不○可○無○守○而○守○不○必○騎○兵○守○關○不○可○無○人○而○人○不○必○謀○士○洪○父○子○騎○兵○之○將○通○善○謀○之○士○况○洪○父○子○所○領○又○皆○慣○戰○之○兵○宜○留○在○京○使○亨○

雖○然○似○使○京○師○重○當○先○使○宣○雲○並

與洪通二人引置京軍之間兼習歲餘京軍必可用
矣或令俊代其父協守宣府亦可自昔用人或德或
才未嘗求備而求備者聖賢之所戒也四人者才德
雖未必皆備隨長器使皆足有濟伏乞 聖明奮乾
剛之斷允臣所言非獨臣之私幸實天下萬世國家
之幸也

皇明經世文編卷之終

皇明經世編

楊陳二公集

卷之八

平露堂